


SULIT  
1103/1  
BAHASA MELAYU  
Kertas 1  
Oktober 2024  
2 Jam



KEMENTERIAN PENDIDIKAN  
PEJABAT PENDIDIKAN DAERAH KOTA KINABALU

---

**PEPERIKSAAN PERCUBAAN SPM 2024**  
**TINGKATAN 5**  
**BAHASA MELAYU**  
**KERTAS 1**  
**Dua jam**

---

**JANGAN BUKA KERTAS SOALAN INI SEHINGGA DIBERITAHU**

1. Kertas soalan ini mengandungi dua bahagian: **Bahagian A** dan **Bahagian B**.
2. Jawapan hendaklah ditulis di dalam buku jawapan yang disediakan.
3. Jawapan boleh ditulis dalam tulisan Rumi atau Jawi.
4. Buku jawapan hendaklah diserahkan kepada pengawas peperiksaan pada akhir peperiksaan.

---

Kertas soalan ini mengandungi 5 halaman bercetak termasuk halaman hadapan.

## Bahagian A

[30 markah]

[Masa yang dicadangkan: 30 minit]

Petikan, keratan akhbar dan grafik di bawah menunjukkan maklumat berkaitan pencemaran alam sekitar di Malaysia. Berdasarkan maklumat tersebut, huraikan pendapat anda tentang **pencemaran alam sekitar di Malaysia**.

Panjangnya huraian anda hendaklah **antara 150 hingga 200 patah perkataan**.

Alam sekitar merupakan anugerah Tuhan yang tidak ternilai harganya. Kehidupan manusia bergantung sepenuhnya kepada sumber alam yang luas ini sebagai tempat tinggal dan puncak rezeki untuk satu kehidupan yang harmoni dan sejahtera. Walau bagaimanapun penggunaan sumber secara berleluasa dan tidak teratur akan menyebabkan pencemaran dan kerosakan alam sekitar. Dalam usaha meningkatkan tahap kesedaran masyarakat mengenai pentingnya pemeliharaan dan pemuliharaan alam sekitar maka pendidikan alam sekitar perlulah diterapkan sedari awal lagi.

Dipetik dan diubah suai daripada,  
“Pemuliharaan Alam Sekitar Tanggungjawab Kita”, *Bernama*, 22 Februari 2024.



## **Bahagian B**

**[ 70 markah]**

*[Masa yang dicadangkan: 1 jam 30 minit]*

Bahagian ini mengandungi **empat** soalan. Jawab **satu** soalan.

Tulis sebuah karangan yang panjangnya **antara 350 hingga 500 patah perkataan**.

### **Soalan 1**

Sebagai murid yang cakna, pastinya akan membuat persediaan yang secukupnya untuk menghadapi peperiksaan. Murid yang mempunyai matlamat biasanya bermula dengan membuat perancangan strategik terutama jadual belajar yang berkesan. Mereka juga perlulah mencari bahan pembelajaran yang sesuai dengan keperluan semasa. Selain perkara berkaitan pembelajaran, murid perlu mengutamakan kesihatan. Apabila menghampiri peperiksaan sepatutnya murid menumpukan sepenuh perhatian kepada peperiksaan yang bakal dihadapi.

Dipetik dan diubah suai daripada,  
“Debaran peperiksaan terpenting”  
*Metro*, 12 Ogos 2024.

Petikan di atas menjelaskan perkara-perkara yang perlu dilakukan oleh setiap murid yang bakal menghadapi peperiksaan.

Huraikan persediaan-persediaan murid untuk menghadapi peperiksaan.

## **Soalan 2**

E-dompet merupakan perkakasan elektronik dalam talian yang membolehkan transaksi dilakukan melalui telefon pintar atau peralatan komputer. Kebanyakan e-dompet seperti kad kredit atau debit dihubungkan kepada akaun bank pengguna untuk membuat pembayaran. Oleh itu e-dompet lebih selamat jika dibandingkan dengan membawa wang tunai. Selain itu, penggunaan e-dompet mudah untuk mengurus perbelanjaan kerana mempunyai rekod transaksi serta kaedah pembayaran yang lebih pantas dan efisien.

Sumber : *Internet*

Sebagai respons terhadap pernyataan di atas, huraikan kebaikan-kebaikan menggunakan e-dompet.

## **Soalan 3**

Sebenarnya, purata umur petani di negara ini melebihi 55 tahun dengan petani lebih tua dikatakan sukar atau enggan menerima perubahan dan kurang cenderung mempelbagaikan pengeluaran serta kurang berupaya menggunakan teknologi baharu. Malaysia memerlukan komuniti pertanian sandaran daripada belia untuk menyokong kumpulan petani semasa kerana generasi muda ialah aset penting bagi pembangunan ekonomi sesebuah negara.

Dipetik dan diubah suai daripada, “  
Belia digalak Ceburi Pertanian Moden”,  
*Berita Harian*, 9 September 2021.

Petikan akhbar di atas menyatakan bahawa golongan belia merupakan generasi pelapis untuk menyokong kumpulan petani bagi memajukan bidang pertanian kini.

Huraikan usaha-usaha untuk menarik minat generasi muda menceburkan diri dalam bidang pertanian di negara kita.

#### **Soalan 4**

Kejadian kemalangan melibatkan pelajar sama ada di dalam atau di luar pagar sekolah turut mengundang persoalan sejauh mana aspek keselamatan dititikberatkan oleh semua pihak agar memastikan kejadian sama tidak berulang. Baru-baru ini, kita dikejutkan dengan kejadian seorang murid dilanggar bas sekolah di hadapan rumah yang turut menerima pelbagai reaksi daripada masyarakat mengenai aspek keselamatan murid sekolah ketika menggunakan pengangkutan berkenaan.

Dipetik dan diubahsuai daripada,  
”Wujudkan Persekitaran Sekolah Selamat, Semua Pihak perlu Mainkan Peranan”,  
Nor Azmah Mohamat Laila,  
*Sinar Harian*, 2 Dis 2021.

Berdasarkan pernyataan di atas, huraikan peranan pelbagai pihak dalam menjaga keselamatan murid-murid di dalam dan di luar sekolah.

**KERTAS PEPERIKSAAN TAMAT**